

Uunga siunnersuut:

**Peqqinnissaqarfíup iluani napparsimasut naammagittaalliuuteqarsinnaanerat
taarsiiffingineqarsinnaanerallu pillugit Inatsisartut inatsisaat**

Kapitali 1

Aalajangersakkat nalinginnaasut

Atuuffia

§ 1. Inatsisartut inatsisaat peqqinnissaqarfíup peqqissaanermik suliaqarneq pillugu naammagittaalliuuteqarnermut, peqqinnissaqarfíup peqqinnissamut tunngasutigut sulinermut, peqqinnissaqarfíup suliarinninnivik pillugu naammagittaalliuuteqarnermut (sullinnejarnermut maalaarutit) kiisalu napparsimasut ajoquusernerinut taarsiinissaq pillugit sorianut atorneqarpooq.

Imm. 2. Pinnersaallutik passussisartut kakiuisartullu Inatsisartut inatsisaannut matumunnga ilaangillat, taamaattorli immikkoortoq 2. Kakiuisartut, nakorsaanikkut kakiuisut Inatsisartut Inatsisaannut ilaapput.

Imm. 3. Tarnimikkut napparsimasunik nammineersinnaajunnaarsitsisarneq allatigullu pinngitsaaliisummik iliuuseqartarneq pillugit Inatsisartut Inatsisaat malillugu naammagittaalliuutit Inatsisartut inatsisaannut matumunnga ilaangillat.

Imm. 4. Nakorsaatinit ajoquuserneqarnermut taarsiinissaq pillugu suliat Inatsisartut inatsisaannut matumunnga ilaangillat.

Imm. 5. Peqqinnissamut tunngasutigut katsorsaasutut akuerisaasunit katsorsaasartut allat inatsimmut matumunnga ilaasinnaanerat pillugu Naalakkersuisut malittarisassanik aalajangersaasinnaapput.

Nassuaatit

§ 2. Uani Inatsisartut inatsisaanni uku ima paasineqassapput:

- 1) "Peqqinnissaqarfík": peqqinnissaqarfíit tamarmik, taakkununnga ilanngullugit napparsimmaviit, peqqissaaviit, nunaqarfinni napparsimmaveeqqat, nunaqarfinni nakorsiartarfiit il.il.
- 2) "Peqqinnissakkut iliniarsimasutut sulineq": Napparsimasut inatsisitigut inissisimanerat pillugu Inatsisartut peqqussutaani nassuiarneqartutut katsorsaaneq.
- 3) "Peqqinnissaqarfíup sulisoq":
 - a) Danskit akuersissuteqarnerat tunngavigalugu peqqinnissakkut iliniarsimasutut sulisut, taakkununnga ilanngullugit nakorsat, kigutit nakorsaat, kiropraktorit, ernisussiorut, pillorissaasut, aaviisartut, napparsimasunik sullissinermi nerisassalerisut, tarrarsuisartut, poortuusiorut, kigutilerisut, kigutigissaasut, isaruaarniat, kontaktlinseerniat, isarualerisut, isikkanik tagiartuisartut, isumaginninnermi peqqinnissamullu ikiortit allallu.
 - b) Peqqinnissaqarfíup iluani sulinermut tunngatillugu tarnip pissusaanik ilisimasallit, paarsisartut, peqqissaanermi ikiortit, utoqqaat illuini assistentit, nakorsaaserisut,

nakorsaaserisut nakorsaaseriffinni sulisut, farmakonomit farmaceutitullu ilinniartut nakorsaaseriffimmi ilinniarnermik ingerlatsisimasut.

- c) Kigutit nakorsaasa namminersortut peqqinnissakkut ilinniarsimasutut sulisut.
- d) Kalaallit Nunaanni ilinniarsimaneq akuersissuteqarnerluunniit tunngavigalugu inuit peqqinnissakkut ilinniarsimasutut sulisut, tassunga ilanggullugit nakorsat, peqqissaasut, kigutigissaasut, kigutit nakorsaanut ikiortit, peqqinnissamut ikiortit, peqqinnissamut assistentit, peqqinnissakkut sulisut, peqqinnissakkut ikiortit portøritullu annaassiniartartut.

Kapitali 2

Naammagittaalliornissamut periarfissat

Peqqissaanermik suliaqarluni ingerlatsineq pillugu naammagittaalliorssinnaaneq

§ 3. Peqqinissaqarfiup peqqissaanermik suliaqarluni ingerlatsinera pillugu napparsimasut naammagittaaliutaat kiisalu Napparsimasut inatsisitigut inissisimanerat pillugu Inatsisartut peqqussutaanni kapitali 2-5-immi allassimasut pissutsit pillugit naammagittaalliuutit Danmarkimi Napparsimasut naammagittaaliutaannut Aqutsisoqarfiup isumagisarai.

Peqqinissaqarfiup peqqissaanermik suliaqarluni ingerlatsinera tamakkiisumik ilaannakortumilluunniit § 4 naapertorlugu peqqissaasutut sulisut pillugit naammagittaaliutinut tunngasoq pineqarpal, taava Napparsimasut naammagittaaliutaannut Aqutsisoqarfiup imm. 1 naapertorlugu naammagittaaliutit suliarisinnaanngilai.

Imm. 2. Napparsimasut naammagittaaliutaannut Aqutsisoqarfik peqqissaanermik suliaqarluni ingerlatsineq peqqissaanermik suliaqarnermi nalinginnaasutut isigineqartunit appasinnerunersoq imaluunniit katsorsaavik napparsimasup inatsisitigut pisinnaatitaaffii pillugit malittarisassanut akerliusumik iliuuseqarsimanersoq pillugu aalajangiissaq.

Imm. 3. Imm. 2 naapertorlugu aalajangiinerit allaffissornikkut oqartussanut allanut ingerlateqqinneqarsinnaanngillat.

§ 4. Kalaallit Nunaanni peqqinnissakkut sullissisunit peqqinnissakkut ilinniarsimasutut sullissineq pillugu napparsimasut naammagittaaliutaat Danmarkimi Napparsimasut Maalaarutaannik Aalajangiisartunut saqqummiunneqassapput. Naammagittaaliutit Napparsimasut Maalaarutaannik Aalajangiisartunut suliassanngortinnissaat pillugit Nunatsinni Nakorsaaneqarfik aalajangiisuusarpoq, tak. imm. 2. Nunatsinni Nakorsaaneqarfik aamma nammineerluni suliassanngortitsisinnaavoq.

Imm. 2. Sakkortuumik pisimasoqartoq Nunatsinni Nakorsaaneq isumaqarpal Kalaallit Nunaanni peqqinnissakkut sullissisunit peqqinnissakkut ilinniarsimasutut sulineq pillugu sulianik Napparsimasut Maalaarutaannik Aalajangiisartunut Nunatsinni Nakorsaaneqarfik suliassanngortitsissaq.

Imm. 3. Naammagittaaliut peqqinnissakkut ilinniarsimasutut sulinermut tunngassuteqartoq § 3 malillugu naammagittaalliummut ilaappat, taava Napparsimasut Maalaarutaannik Aalajangiisartut naammagittaaliut suliarisinnaanngilaat.

Imm. 4. Peqqinnissakkut ilinniarsimasutut sulisoq peqqinnissakkut ilinniarsimasutut sulinera ilinniarsimasut pitsaassusilitut nalinginnaasutut isigineqartunit appasinnerunersoq imaluunniit napparsimasup inatsisitigut pisinnaatitaaffii pillugit malittarisassanut akerliusumik peqqinnissakkut sulisoq iliuuseqarsimanersoq pillugu Napparsimasut Maalaarutaannut Aalajangiisartut aalajangiissapput.

Imm. 5. Imm. 1-4 naapertorlugu aalajangiinerit allaffissornikkut oqartussanut allanut suliassanngortinneqarsinnaanngillat.

Imm. 6. Imm. 1 aamma 2 pillugit malittarisassanik erseqqinnerusunik Naalakkersuisut aalajangersaasinnaapput, peqqinnissakkut ilinniarsimasutut katsorsaaveqanngitsuni suliat pillugu aalajangiinerit saaffiginnissutigineqarsinnaanerat ilaapput.

§ 5. Peqqinissaqarfip peqqinnissakkut ilinniarsimatut sulineq, peqqinnissakkut sulisut ilinniarsimasutut sulinerat pillugu naammagittaalliuutit aamma Napparsimasut inatsisitigut inissisimanerat pillugu Inatsisartut peqqussutaanni kapitali 2-5-imil allassimasut pissutsit pillugit naammagittaalliuutit Nunatsinni Nakorsaaneqarfimmut tunniunneqassapput.

Peqqinissamut tunngasutigut sulineq pillugu naammagittaalliuutinik suliarinninneq

§ 6. Nunatsinni Nakorsaaneqarfik § 5 naapertorlugu naammagittaalliummik tigusaqarpat, naammagittaalliuutInatsisartut Inatsisaat manna naapertorlugu suliarineqarsinnaanersoq pillugu Nunatsinni Nakorsaaneqarfip nalilissavaa.

Imm. 2. Nunatsinni Nakorsaaneqarfik misissoriikkaniit allattuiffimmi atortunik aamma katsorsaavimmit naammagittaalliuutigineqartumit oqaaseqaammik pissarsiniassaaq, aamma suliap aalajangersimasup naliliiffigineranut pingaaruteqartutut isigineqarsinnaasut Kalaallit Nunaanni pissutsinik atukkanillu allaaserinnittumik suliamik saqqummiussissaaq. Suliamik saqqummiussineq atugassallu Napparsimasut Naammagittaalliuutanut Aqutsisoqarfimmut imaluunniit Peqqinissaqarfimmi Aalajangiisartunut nassiunneqassapput aamma naammagittaalliummik Aqutsisoqarfip suliarinninneranut tunngavissatut ilaatinneqassallutik.

Imm. 3. Nunatsinni Nakorsaaneqarfip aalajangiinssamut piareersarneranut atatillugu pisoqalisoorsimaneq pillugu aalajangiisinnaavoq.

Imm. 4. Naammagittaalliuut erseqqissumik tunngavissaqanngippat taamaasillunilu Inatsisartut Inatsisaannut ilaatinneqanngippat, taava Nunatsinni Nakorsaaneqarfip naammagittaalliuutip suliarinissaa itigartitsissutigisinnaavaa.

Imm. 5. Nunatsinni Nakorsaaneqarfip, tamanna attuumassuteqarpat pisariaqarpallu, suliamit atugassat danskisuumut kalaallisuumulluunniit nutserneqarnissaat qulakkiissavaa.

Imm. 6. Paragrafimi uunga tunngasut pillugit malittarisassanik erseqqinnerusunik Naalakkersuisut aalajangersaasinnaapput, tassani naammagittaalliorzinnaaneq ilaavoq.

§ 7. Nunatsinni Nakorsaaneqarfik piffissaq eqqorlugu peqqinnissakkut ilinniarsimasutut sulisut pillugit naammagittaalliummik tigusaqarpat, § 8 naapertorlugu, napparsimasup katsorsaaviusumik oqaloqateqarnissaat Nunatta Nakorsaaneqarfia neqeroorfigissavaa. Napparsimasoq neqeroorummut akuersippat maalaarut katsorsaavimmut nassiunneqassaaq,

taannalu napparsimasumut attaveqarluni naammagittaalliummillu katsorsaaviup tigusaqarnerminit kingusinnerpaamik sapaatit akunneri sisamat qaangiutsinnagit oqaloqatigiinnissaq neqeroorutigissavaa.

Imm. 2. Oqaloqatigiinnerup kingorna napparsimasup naammagittaalliuutini taamaatikkusuppagu napparsimasullu akuersineratigut tamanna Nunatsinni Nakorsaaneqarfimmut katsorsaaviup nalunaarutigissavaa, tamatumalu kingorna naammagittaalliut naammassineqartutut isigineqassalluni. Oqaloqatigiinnerup kingorna napparsimasup maalaarutimi suli suliarineqarnissaa kissaatigippagu suliami paasissutissat attuumassuteqartut tamaasa suliarineqaqqinnissaanut atugassangorlugit katsorsaaviup Nunatta Nakorsaaneqarfianut nassutiissavai.

Imm. 3. Imm. 1 naapertorlugu oqaloqatigiinnermi napparsimasoq illersorteqarsinnaatitaavoq

Imm. 4. Imm. 1-mut tunngasut pillugit malittarisassanik erseqqinnerusunik Naalakkersuisut aalajangersaasinnaapput, tassunga ilaapput katsorsaaviit sorliit aalajangersakkami ilaanersut aamma sapaatip akunneri sisamat qaangiutsinnagit oqaloqatiginninnissamut saneqqunneqarsinnaasut.

Pisoqalisoorneq pillugu aalajangersakkat

§ 8. § 5 naapertorlugu naammagittaalliut, pisimasup maalaarutiginiakkap ilisimalerneraniit imaluunniit ilisimalersimasariaqarfianiit ukiut marluk qaangiutsinnagit Nunatsinni Nakorsaaneqarfimmut tunniunneqassaaq.

Imm. 2. Taamaakkaluartoq § 5 naapertorlugu naammagittaalliut, pissutsit naammagittaalliuutigineqartut ulluata kingorna ukiut tallimat qaangiutsinnagit tunniunneqassaaq.

Imm. 3. Naammagittaalliornissamut killissarititat imm. 1 aamma 2-mi taaneqartut allanngortinneqarsinnaanngillat.

Pisortat peqqinnissaqarfiutaannisuliarinninnivik pillugu naammagittaalliut (sullinnejnarnermut naammagittaalliut)

§ 9. Sullissineq pillugu naammagittaalliutit Nunatsinni Nakorsaaneqarfimmut tunniunneqassapput.

Imm. 2. Nunatsinni Nakorsaaneqarfippeqqinnissaqarfimmi qullersatut aqutsisunut naammagittaalliummik suliarinnittussanut naammagittaalliut ingerlateqqissavaa.

Imm. 3. Sullissineq pillugu allakkatigut naammagittaalliutit naammagittaalliorumit katsorsaavimmut imaluunniit peqqinnissaqarfimmi qullersanut toqqaannartumik nassiunneqarpata sullissineq pillugu naammagittaalliut taanna Nunatsinni Nakorsaaneqarfimmut ingerlateqqinnejnepassaaq.

Imm. 4. Naammagittaalliup tiguneraniit qaammatit pingasut iluanni suliarineqassaaq, tak. imm. 2.

Kapital 3

Napparsimasut taarsiiffigineqarnissaannik suliat

Napparsimasut ajoqusernerinut taarsiineq

§ 10. Kapitalimi uani malittarisassat malillugit napparsimasunut imaluunniit napparsimasunut qimagaasunut Kalaallit Nunaanni misissortinnernut, suliaritinnermut assigisaannilluunniit peqqinmissaqarfimmi sulisumit imaluunniit peqqinmissaqarfimmi sulisunit allanit, pisortat oqartussaaffiini allanit imaluunniit namminersortunit suliarineqartunut atatillugu ajoqusernernut taarsiissuteqartoqarsinnaavoq.

Imm. 2. Napparsimasunut sanilliunneqarput napparsimasup nappaataata suussusersineranut imaluunniit katsorsarneqarneranut atasumik ilaangitsuni peqqinnissakkut ilisimatusarnermi misileraanermi peqataasut. Tamanna aamma timip ipiusartaasaanik allatigulluunniit timip ilaanit tigusiffiusunut timip pisataanut tunniussisunut atuuppoq..

Imm. 3. Kapitali manna aamma napparsimasunut Kalaallit Nunaata avataani napparsimavinni, klinikkini il.il. akeqanngitsumik katsorsarneqartunut imaluunniit katsorsartinnermut tapiiffigineqartunut, katsorsaaviusumi inatsisit malillugit taarsiisoqarnissaanut periarfissaqanngitsunut atuuppoq.

Imm. 4. Suliassaqarfiiit sorliit aalajangersakkami ilaanerat pillugit malittarisassanik erseqqinnerusunik Naalakkersuisut aalajangersaasinnaapput.

Ajoqusernerit taarsiivigineqarsinnaasut

§ 11. Taarsiisoqassaaq uku arlaannit ajoqusertoqarsimanera ilimanavippat imatullu pisimappat:

- 1) Suliassaqarfimmi pineqartumi immikkut ilisimasalik misilittagaqartoq Kalaallit Nunaanni allatigut pissutsini atugaasuni misissuineremi, katsorsaanermi assigisaaniluunniit allatut iliuuseqarsimasinnaagaluartoq naatsorsuutigineqarsinnaappat, taamaalilluni ajoquserneq pinngitsoortinneqarsinnaasimagaluarpas,
- 2) ajoquserneq misissuineremi, katsorsaanermi assigisaaniluunniit taakkununngaluunniit atatillugu atorneqartuni teknikkikut atortuni, sakkuni atortuniluunniit allani kukkunermik imaluunniit ajutoorermik pissuteqarpat,
- 3) kingornatigut naliliineq aallaavigalugu ajoquserneq nakorsaanikkut isiginninneq aallaavigalugu napparsimasup nappaataanik katsorsaanissamut taamaaqataanik sunniuteqarsinnaasoq katsorsaanermi teknikkit imaluunniit katsorsaariaatsit pigineqartut iluaqtigalugit pinngitsoortinneqarsinnaasimagaluarpas, imaluunniit
- 4) misissuinerup malitsigisaanik, tassunga ilanngullugu nappaammik suussusiiniarluni pilattaaneq, imaluunniit katsorsaanermi napparsimasup naammaginartumik naammagiinnarsinnaasaanit annertunerusumik aseruuttoornikkut allatigulluunniit nappaatip nassataatigut ajoquserneqarsimappat, Tassani ilaatigut ajoqusernerup ilungersunartuunera, ilaatigut napparsimasup nappaataa allatigullu peqqinnikkut qanoq ittuunera kiisalu

ajoqusernerup qaqutigoortuunera taassumalu ajoqusiisinnaaneranut periarfissat eqqarsaatigineqassapput.

§ 12. Napparsimasup nappaataata eqqortumik suussuserneqannginnerata malitsigisaanik ajoqusernermi § 11, nr. 1 aamma 2-mi pisut taaneqartut taamaallaat taarsiivigininnissamut tunngaviusinnaapput.

Imm. 2. Ajutoornermi, § 11 nr. 2-mut ilaannngitsuni taamaallaat taarsiisoqassaaq ajoqusertoq katsorsaavimmi katsorsarneqarpat il.il. ajutoornerlu taassuma iluani pisimappat pisuni taamaattuni katsorsaavik nalinginnaasumik taarsiinissamut inatsisini malittarisassat malillugit tamatumunnga taarsiisussatut isagineqartariaqarluni.

§ 13. § 10, imm. 2-mi ilaasunut inunnut misileraaffigineqartunut timillu pisataanik tunisisunut misileraaneq imaluunniit timip ipiutaasartaanik il.il. tigusineq pissutigalugu ajoqusernernut sunulluunniit taarsiisoqassaaq, ajoqusernerup allamik peqquteqarnera ilimanavingippat imaluunniit ajoquserneq annikitsuinnaappat.

§ 14. Peqqinnissakkut sulisutut akuerisaq kinaluunniit sulinermi kapitali manna malillugu taarsiiffigitinneqarsinnaasutut naatsorsuutigisariaqartunik ajoqusernernik ilisimasaqalersoq tamanna pillugu ajoquserneqartumut ilisimatitsisussaatitaavoq kiisalu pisariaqartitsineq malillugu Nunatsinni Nakorsaneqarfimmut nalunaarutiginninnissamik ikuuttussaatitaalluni.

Imm. 2. Paasissutissiinissamut pisussaaffik pillugu malittarisassanik erseqqinnerusunik Naalakkersuisut aalajangersaasinnaapput.

Taarsiinissamik annertussusiliineq il.il.

§ 15. Taarsiinerit ajunngitsorsiassallu taarsiinissamut akisussaaneq pillugu inatsimmi malittarisassat malillugit aalajangersarneqassapput, taamaattorli tak. imm. 2-7 aamma §§ 16-18.

Imm. 2. Imm. 1 malillugu taarsiineq aammalu ajunngitsorsiassat taarsiinermitiit imaluunniit ajunngitsorsiassaniit nammineq akiliutit ilanngaatigineqareerpata tunniunneqassapput, tak. imm. 7.

Imm. 3. Imm. 2 naapertorlugu nammineq akiliutit pillugit malittarisassat aalajangersarneqartut § 10, imm. 2-mi ajoqusernernut ilaasunut atuutsinneqassangillat.

Imm. 4. Alla sinnerlugu akilersimasanut piumasaqaatit matussutissaannut taarsiisoqassanngilaq.

Imm. 5. Taarsigassarsiaq imaluunniit ajunngitsorsiassaq imm. 2 malillugu nammineq akiliummiit ilanngaatigineqarpat Napparsimasunut Taarsiissuteqartarfiup § 25, imm. 4 malillugu aalajangiineranut piffissami atuuttoq aningasanik iluarsiissutaasartoq atorneqassaaq.

Imm. 6. Ajoquserneq sulisinnaajunnaarnermik nappaammilluunniit piffissaq aalajangersimasoq sinnerlugu sivisunerpaamik qaammatinik pingasunik sivisussuseqarsinnaasumik sivisuneruppat, sulinermi akissarsianik annaasaqarnernut

matussutissat aamma anniarnermut ajunngitsorsiassat aatsaat tunniunneqarsinnaaneri pillugu malittarisassanik Naalakkersuisut aalajangersaasinnaapput.

Imm. 7. Nammineq akiliummut tunngasunik malittarisassanik erseqqinnerusunik Naalakkersuisut aalajangersaassapput.

§ 16. Inatsisartut inatsisaanni kapitali 3-mut ilaasumik ajoqusernerup malitsigisaanik suli 18-inik ukioqalernani toqusumut meeqqamut angajoqqaatut oqartussaasoq imaluunniit oqartussaasut ajunngitsorsiassanik pisinnaatitaaffeqarput, nal. Imm.4.

Imm. 2. Meeqqami imm. 1-im iilaasumi paasineqassaaq meeraq inuulluni erniusoq, kiisalu naartuneq sivikinnerpaamik sapaatit akunneri 22-t tamakkersimallugit meeraq toqungalluni erniusoq.

Imm. 3. Imm. 1 malillugu ajunngitsorsiassat ataasiaannarlugit tunniunneqarsinnaapput. Angajoqqaatut oqartussaaffik ataatsimoorunneqarluni angajoqqaatut oqartussaaffiuppat tamarmik immikkut ajunngitsorsiassat affaanik imm. 1 malillugu pissarsissapput.

Imm. 4. Naalakkersuisut imm.1-im ajunngitsorsiassat eqqaaneqartut pillugit maleruagassiussapput, tassunga ajunngitsorsiassap annertussaa ilaassaaq.

§ 17. Taarsiinissamut akisussaaneq pillugu inatsimmi § 3, § 4, imm. 1, § 6, imm. 2, § 8, § 13, imm. 1, oqaaseqatigiit aappaat aamma § 14 a malillugu taarsiinermi ajunngitsorsiassanilu aningaasat, kapitali 3-mi malittarisassat malillugit tunniunneqartut taarsiinermi akisussaaffik pillugu inatsimmi § 15, imm. 1-mi malittarisassat malillugit iluarsineqassapput aamma piffissami aalajangiiffiusumi aningaasat iluarsiissutaasut atuuttut tunngavigalugit aalajangersarneqarlutik.

Imm. 2. Taarsiinissamut akisussaaneq pillugu inatsimmi § 7 malillugu ukiumut akissarsiat aamma kapitali 3-mi malittarisassat malillugit tunniunneqartussat, piffissami ajoqusernerup pinerata piffissallu aalajangiiffiusup akornanni taarsiinissamut akisussaaneq pillugu inatsimmi § 14 malillugu taarsiinissamut akisussaaneq pillugu inatsimmi § 15, imm. 1-im i malittarisassat malillugit iluarsineqassapput.

Imm. 3. Taarsiinissamut akisussaaneq pillugu inatsimmi §§ 1, 2 aamma 12 malillugu aningaasat taarsiissutaasut ajunngitsorsiassallu, kapitali 3-mi malittarisassat malillugit tunniunneqartussat taarsiinermi akisussaaffik pillugu inatsimmi § 15, imm. 1, oqaaseqatigiit siullerni malittarisassat iluarsineqassapput aamma piffissami aalajangiiffiusumi aningaasat iluarsiissutaasut atuuttut tunngavigalugit aalajangersarneqarlutik. Aningaasat iluarsineqartut koruunit aningaasartaanut 5-imik agguarneqarsinnaasumut qaninnerpaamik akunnaallisinneqassapput.

Imm. 4. § 16 malillugu ajunngitsorsiassat piffissami naatsorsuiffiusumi atuuttut § 16, imm. 4 malillugu aningaasat tunuliaqtaralugit aalajangersarneqassapput.

§ 18. Taarsiineq ajunngitsorsiassallu taarsiinissaq ajunngitsorsiassanillu tunniussinissaq pillugu aalajangiinermi piffissap kingorna sapaatit akunnerinit tallimanit kingusinnerusumut akilerneqarpat piffissami aalajangiinermiit akiliinissap tungaanut kingusinaartumik il.il.

akiliinermi erniat pillugit inatsit pillugu Kalaallit Nunaannut nalunaarut naapertorlugu ernianut naapertuuttumik ukiumut ernialiisoqassaaq.

§ 19. Napparsimasoq piaaraluni imaluunniit mianersuaalliungaatsiarnikkut ajoqusernermut peqataasimappat, napparsimasumut taassumaluunniit qimataanut taarsiinissaq appartinneqassaaq.

§ 20. Kapitalimi matumani malittarisassat naapertorlugit napparsimasoq taassumaluunniit qimataa taarsiivigineqarsimappat imaluunniit taarsiivigineqarnissamik piumasaqarsimappat ajoqusernermut taarsiinissamut akisussaasinnaasumut taarsiinissamut piumasaqaateqarsinnaanngilaq.

§ 21. Kinaluunniit, nalinginnaasumik taarsinissamut piumasaqaatit malillugit § 10-mut ilaasumut napparsimasumut taassumaluunniit qimataanut taarsiinissamut akisussaalersimappat, piaaraluni ajoquserneq pisimappat, § 15-16 naapertorlugu taarsiinerit alla sinnerlugu akilersimasanut piumasaqaatinut taamaallaat tunngaviusinnaapput, tak. taamaattoq § 22.

§ 22. Tunisassianut akisussaaneq pillugu malittarisassat malillugit taarsiinissamut akisussaaneq pineqarsimatillugu §§ 20-imil 21-milu malittarisassat atuutissanngillat.

Taarsiiviginninnissamut sillimmasesrimanissamullu pisussaaffiit

§ 23. Kapitali manna naapertorlugu tillinnguuttut taarsiinissamut pisussaaffeqarput:

- 1) Pisortani peqqinnissaqarfip iluani katsorsaanerup kingorna ajoqusernernut Naalakkersuisut, tassunga ilanngullugit napparsimaviit, peqqissaaviit, peqqissaasoqarfiiit, nunaqarfinni nakorsiartarfiiit il.il. aamma namminersorlutik oqartussani allani katsorsaanerup kingorna ajoqusernernut
- 2) Kommunini pisortat sullissiviini katsorsaanerup kingorna ajoqusernernut napparsimasunut kommunimi najugaqartunut.
- 3) Pisortani peqqinnissaqarfip avataani katsorsaanerup kingorna ajoqusernernut katsorsaaviit namminersortut.

§ 24. Kapitali manna malillugu taarsiinissaq pillugu piumasaqaat sillimmasiisarfimmi sillimmasiinermit matussusersimanissaq pillugu piumasaqaat pillugu malittarisassanik Naalakkersuisut aalajangersaasinnaapput.

Taarsiinissamut suliat suliarineqarnerat

§ 25. Taarsiinissamut suliat tamarmik kapitali manna naapertorlugu Nunatsinni Nakorsaaneqarfimmut tunniunneqartassapput.

Imm. 2. Nunatsinni Nakorsaaneqarfik misissoriikkaniq allattuiffimmi atortunik katsorsaavimmit oqaaseqaammik pissarsiniassaaq, aamma taarsiinissaq pillugu suliap aalajangersimasup naliliiffigineranut pingaaruteqartutut isigineqarsinnaasut Kalaallit Nunaanni pissutsinik atukkanillu allaaserinnittumik suliamik saqqummiussinissamut suliariinnissaq. Suliamik saqqummiussineq atugassallu Napparsimasunut Taarsiissuteqartarfimmun Danmark-imut nassiunneqassapput taarsiinissamullu suliap suliarineqarneranut tunngavissatut ilaatinneqassallutik.

Imm. 3. Nunatsinni Nakorsaaneqarfik suliap piareersarneranut atatillugu pisoqalisoornera pillugu aamma naammagittaalliuutip Inatsisartut inatsisaata atuuffiata iluaniinnersoq pillugu aalajangiisinnavaoq. Aalajangiineq taanna aalajangiinerup naammagittaalliuuteqartumit tiguneraniit sapaatit akunneri sisamat iluanni naammagittaalliuutigineqarsinnaavoq. Nunatsinni Nakorsaaneqarfifiup aalajangiinera naammagittaalliuutigineqarpat suliarineqarnissaa siunertaralugu Napparsimasunut Taarsiissuteqartarfimmutsuliaq nassiunneqassaaq.

Imm. 4. Inatsisartut inatsisaat manna malillugu taarsiinissaq pillugu suliad Danmarkimi Napparsimasunut Taarsiissuteqartarfimmun aalajangiiffiqeqassapput. Aalajangiineq Napparsimasunut Taarsiissuteqartarfimmun Nunatsinni Nakorsaaneqarfimmun nassiunneqassaaq tassanilu nutserneqareerpat suliassami illuatungiliuttunut nassiunneqassalluni. Imm. 6-imit takusinnaasooq naammagittaalliuuteqarnissamut piffissaliussap naanerata kingorna taarsiinissamut ajunngitsorsiassallu aningaasartaanik aalajangersarneqartunik taarsiinissamut pisussaaffeqartut oqartussat akiliissapput.

Imm. 5. Aalajangiinerit, tak. imm. 4, suliassami illuatungiliuttunit Napparsimasunut Taarsiissuteqartarfimmun Suliareqqitassanngortitanik Aalajangiisartut suliassanngortinnejarsinnaapput, taanna inaarutaasumik allaffissornikkut aalajangiissalluni. Napparsimasunut Taarsiissuteqartarfimmun Suliareqqitassanngortitanik Aalajangiisarfifiup matuma kingorna aalajangiineq atuuttussanngortissinnaavaa, atorunnaarsillugu imaluunniit allanngortillugu.

Imm. 6. Napparsimasunut Taarsiissuteqartarfimmun Suliareqqitassanngortitanik Aalajangiisarfimmun naammagittaalliuut Nunatsinni Nakorsaaneqarfimmun tunniunneqassapput, aalajangiineq pillugu nalunaarummik naammagittaalliuuteqartup tigusineraniit qaammat ataaseq qaangiutsinnagu. Naammagittaalliorneq kinguartitsinermik kinguneqartarpooq.

Imm. 7. Tamatumunnga immikkut pissutissaqartillugu naammagittaalliuuteqarnissamut piffissaliussap, tak. imm. 6, qaangerneqarnera Nunatsinni Nakorsaaneqarfifiup pingartissanngilaa.

§ 26. Napparsimasunut Taarsiissuteqartarfimmun Suliareqqitassanngortitanik Aalajangiisarfifiup aalajangiineri eqqartuussivimmun suliassanngortinnejarsinnaapput, tassani aalajangiineq aalajangersarneqarsinnaalluni, atorunnaarsinneqarluni imaluunniit allanngortinnejarluni.

Imm. 2. Aalajangiinerup nalunaarutigineqarnerata kingorna qaammatit arfinillit qaangiutinnginnerini aalajangiineq eqqartuussivimmun suliassanngortinnejarsinnaavoq.

§ 27. Taarsiineq ajunngitsorsiassallu § 25, imm. 4 malillugu akilerneqartut taarsiinissamut ajunngitsorsiassanulluunnit piumasaqaatini allani utertillugit akileqquneqarsinnaanngillat imaluunniit ilanngaatigineqarsinnaanngillat, tak. taamaattoq imm. 2.

Imm. 2. Napparsimasoq imaluunniit napparsimasumit qimataasut nalunngikkaluarlugu paasissutissanik tunniussisimanngippata imaluunniit paasissutissanik equnngitsunik tunniussisimappata, aamma paasissutissat pigineqarlutik Napparsimasunut Taarsiissuteqartarfiup imaluunniit Napparsimasunut Taarsiissuteqartarfimmum Suliareqqitassanngortitanik Aalajangiisartut alajangiineranit allaanerusumik paasissutissat amigaataasut imaluunniit kukkusut allamik aalajangiinermik kinguneqarsimappata taava Napparsimasunut Taarsiissuteqartarfik imaluunniit Napparsimasunut Taarsiissuteqartarfimmum Suliareqqitassanngortitanik Aalajangiisartut nutaamik aalajangiissapput.

Imm. 3. Taarsiinissamut pisussaaffeqartup, tak. imm. 2, Napparsimasunut Taarsiissuteqartarfimmuit imaluunniit Napparsimasunut Taarsiissuteqartarfimmum Suliareqqitassanngortitanik Aalajangiisartuniit nutaamik aalajangiisoqarnera tunuliaqutaralugu § 25, imm. 4 malillugu tunniunneqarsimasut taarsigassarsiat aamma ajunngitsorsiassat utertinneqarnissaat piumasarisinnaavai. Utertillugit akilerneqarnissaannik piumasaqaat taamaallaat atutissaaq aalajangiinernut paasissutissat pineqartut aalajangiinerup inerneranut pingaaruteqarsimappata.

Inuk pillugu paasissutissanut periarfissaqarneq suliarinninnerlu

§ 28. Nunatsinni Nakorsaaneqarfik peqqinnissaqarfimmuit, katsorsaavinnit namminersortutut ingerlanneqartunit, peqqinnissaqarfimmui sulisunit, pisortani oqartussanit, pisortat sullissiviinit il.il. allaniillu attuumassuteqartunit kiisalu ajoquersimasumit paasissutissanik sunilluunniit nalunaaruteqaqqullugu akeqanngitsumik nalunaaruteqaqquneqarsinnaavoq, tassunga ilanngullugit napparsimmavimmiit allattuiffiit, napparsimasoq pillugu nalunaarsuiffiit, politiit nalunaarutaat, toqungasumik pilattaalluni misissuinermit nalunaarusiat, sillimmasiisarfinniit soraarnerussutisianillu ingerlatseqatigiiffinniit paasissutissat il.il., kapitali manna malillugu suliap suliarineranut pingaaruteqartutut Nunatsinni Nakorsaaneqarfimmuit missiliorneqartut.

Imm. 2. Paasissutissat tak. imm. 1 noqqaassutip tiguneraniit ullut qulit qaangiutinnagit Nunatsinni Nakorsaaneqarfimmuit nassiunneqassapput. Piffissaliussaq eqortinneqarsinnaanngippat piffissaliussap naannginnerani piffissaliussap qaangerneqarnissaanut tunngavilersuut aamma noqqaassutip qaugu naammassillugu suliarineqarsinnaanera pillugu Nunatsinni Nakorsaaneqarfik nalunaarfingineqassaaq. Paasissutissat elektroniskitut iluseqartillugit aaneqarsinnaapput.

Imm. 3. Suliareqqitassanngortitanik aalajangiisarfiup suliamik suliarinninnerani paasissutissanik pisariaqartunik Nunatsinni Nakorsaaneqarfik Napparsimasunut Taarsiissuteqarfimmum kiisalu Napparsimasunut Taarsiissuteqartarfimmum Suliareqqitassanngortitanik Aalajangiisarfimmum nassiussissaaq, § 25, imm. 4 aamma 5 takukkit.

Pisoqalisoorneq pillugu aalajangersakkat

§ 29. Kapitali manna naapertorlugu taarsiinissaq pillugu piumasaqaat, taarsiivigineqarsinnaatitaasup ilisimasaanit imaluunniit ilisimasariaqagaanit kingusinnerpaamik ukiut pingasut qaangiutsinnagit Nunatsinni Nakorsaaneqarfimmuit nalunaarutigineqarsimassaaq, taamaattorli imm. 2 takuuk.

Imm. 2. Taarsiinissamulli piumasaqaat ullup ajoquusernermut pissutaasumiit kingusinnerpaamik ukiut qulit qaangiunneranni pisoqalisoorsinnaavoq.

Imm. 3. Imm. 1 aamma 2-mi eqqaaneqartut piffissaliussaniit immikkut akuersissuteqartoqarsinnaanngilaq.

Pineqaatissiissutit pillugit aalajangersakkat

§ 30. Peqqusummik naammassinninnginneq, tak. § 28, Kalaallit Nunaanni pinerluttulerinermi Inatsimmi malittarisassat naapertorlugit pineqaatissiinermik akiliisitsinikkut kinguneqartinneqarsinnaavoq.

Imm. 2. Akiliisitsissutit imm. 1 malillugit pineqaatissiissutigineqartut Nunatta Karsianut pisassanngortinnejassapput.

§ 31. Inatsisartut inatsisaat naapertorlugu najoqqutassanut atuutsinneqartunut Kalaallit Nunaanni Pinerluttulerinermut Inatsimmi malittarisassiat malillugit akileeqqusissutitit ittumik pineqaatissiissutinik aalajangersaasoqarsinnaavoq.

Imm. 2. Inatsisartut inatsisaat imaluunniit Inatsisartut inatsisaat naapertorlugu najoqqutassat atuutilersinneqartut akiliisitsisummik aalajangersaanissamut tunngavissiisimappata akiliisitsissut pinerluttulerinermi inatsimmi malittarisassat naapertorlugit inatsisitigut pisinnaatitaasumut pisussaatitaasumullu akileqquneqarsinnaavoq.

Imm. 3. Imm. 1-2 malillugit suliat Kalaallit Nunaanni Eqqartuussivimmut suliaqartussatut siullertut suliakkiutigineqassapput.

Imm. 4. Akiliisitsissutit imm. 1-2 malillugit pineqaatissiissutigineqartut Nunatta Karsianut pisassanngortinnejassapput.

Kapitali 4

*Atuutilernissaanut aalajangersakkat, atorunnaarsitsinermut aalajangersakkat aamma
Inatsisartut inatsisaat allat kingunerisaannik allannguinerit*

§ 32. Inatsisartut inatsisaat nalunaarutigineqarneratigut atuutilissaaq.

Imm. 2. Peqqinnissakkut ilinniarsimasutut sulisut pillugit naammagittaalliutit pillugit Inatsisartut inatsisaanni kapitali 2 inatsisartut inatsisaata atuutilernerata kingorna suliarineqartunut katsorsaanernut atuuppoq.

Imm. 3. Napparsimasut ajoquusernerinut taarsiinissaq pillugu Inatsisartut inatsisaanni kapitali 3 inatsisartut inatsisaata atuutilernerata kingorna pisunut ajoquusernernut atuuppoq.

§ 33. Inatsisartut inatsisaata matuma atulernerata peqatigisaanik:

- 1) Peqqinnissaqarfimmi aqutsineq, aaqqissugaaneq kiisalu peqqinnissakkut ilinniarsimasut sulisut aamma tarnip pissusaanik ilisimasallit pillugit Inatsisartut inatsisaanni imatut allannguisoqarpoq:
- a) § 9, imm. 4, § 10, imm. 2, § 11 a aamma § 11 b atorunnaarpuit.
 - b) § 10, imm. 3 tamatuma kingorna § 10, imm. 2-nngorpoq.
 - c) § 12, imm. 1-3-mi ”§§ 3, 4 aamma 11 a” imatut allanngortinneqassaaq: ”§§ 3 aamma 4”:
- 2) Napparsimasut inatsisitigut inissisimanerat pillugu Inatsisartut peqqussutaat:
- a) § 33 atorunnaarpooq

Imm. 2. Napparsimasut Maalaarutaannik Aalajangiisartunut maalaaruteqartarneq pillugu Namminersorlutik Oqartussat nalunaarutaat nr. 14, 24. september 2012-imeersoq atorunnaarpooq.

Imm. 3. Nunatsinni Nakorsaaneqarfiup sulinera pillugu Namminersorlutik Oqartussat nalunaarutaat nr. 7, 15. juni 2017-imeersoq Inatsisartut inatsisaat manna naapertorlugu najoqqutassianik atorunnaarsitsinissaq imaluunniit taarsiinissaq tikillugu atuutiinnassaaq.

Namminersorlutik Oqartussat, ulloq xx. xxx 2024

Naalakkersuisut Siulittaasuat